



XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Secretaría Xeral Técnica

Edif. Adm. San Caetano, s/n
15781 Santiago de Compostela
Tlf.: 981 544 513 Fax:
981 544 601



DILIXENCIA DE CONSTANCIA

Esténdoa eu, José Ramón Pardo Cabarcos, subdirector xeral de Réxime Xurídico, para facer constar que a memoria que segue, que leva por título memoria xustificativa e económica do Acordo de colaboración entre a Vicepresidencia e Consellería de Presidencia, Administracións Públicas e xustiza e Ibermutua, Mutua colaboradora coa Seguridade Social Nº 274, para o asesoramento, dirección, supervisión técnica e formación dos representantes da Administración para os efectos da coordinación e colaboración na adopción de medidas preventivas fronte ao COVID- 19, nos locais electorais das eleccións ao Parlamento de Galicia do día 12 de xullo de 2020 , é unha imaxe obtida mediante o escaneamento íntegro da memoria orixinal, que foi asinada de forma manuscrita o 3 de xuño de 2020.

E para que produza efectos cara a súa inscrición no Rexistro de Convenios do Sector Autonómico de Galicia, asino electronicamente a presente dilixencia.





MEMORIA XUSTIFICATIVA E ECONÓMICA DO ACORDO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA E IBERMUTUA, MUTUA COLABORADORA COA SEGURIDADE SOCIAL Nº 274, PARA O ASESORAMENTO, DIRECCIÓN, SUPERVISIÓN TÉCNICA E FORMACIÓN DOS REPRESENTANTES DA ADMINISTRACIÓN PARA OS EFECTOS DA COORDINACIÓN E COLABORACIÓN NA ADOPCIÓN DE MEDIDAS PREVENTIVAS FRONTE AO COVID-19, NOS LOCAIS ELECTORAIS DAS ELECCIÓNS AO PARLAMENTO DE GALICIA DO DÍA 12 DE XULLO DE 2020.

Esta Vicepresidencia e Consellería de Presidencia, Administracións Públicas e Xustiza é o órgano da Administración autonómica que ten atribuído o exercicio das competencias en materia de organización e coordinación dos procesos electorais en que sexa competente a Comunidade Autónoma de Galicia.

Ibermutua é unha Entidade Colaboradora na xestión da Seguridade Social, cuxa actividade se atopa ordenada conforme o disposto nos artigos 80 e seguintes do Real Decreto Lexislativo 8/2015, do 30 de outubro, polo que se aproba o texto refundido da Lei Xeral da Seguridade Social, e demais normas concordantes, dirixida e tutelada polo Ministerio de Traballo, Migracións e Seguridade Social, e cinguese, entre outras, á colaboración na xestión das continxencias de traballo e enfermidades profesionais, así como a aquelas actividades de prevención, recuperación ou de análoga índole que resulten previstas na norma citada ou nas disposicións regulamentarias que constitúen o seu desenvolvemento.

Que Ibermutua vén prestando a protección da cobertura integral de Accidentes de Traballo (prevención, asistencia sanitaria, rehabilitación e reinserción de traballadores accidentados, etc) para a Administración da Comunidade Autónoma de Galicia, en virtude de adxudicación adoptada mediante Resolución do 9 de marzo de 1995 da Consellería da Presidencia e Administración Pública (Diario Oficial de núm. 56, do 21 de marzo de 1995), na que se determina a asociación da Xunta de Galicia con esta mutua de accidentes de traballo e enfermidades profesionais da Seguridade Social





Polo Decreto 72/2020, do 18 de maio, convocáronse eleccións ao Parlamento de Galicia.

No Diario Oficial de Galicia do 30 de maio de 2020 publicouse a Resolución do 29 de maio de 2020, da Secretaría Xeral Técnica da Consellería de Presidencia, Administracións Públicas e Xustiza, pola que se dá publicidade ao Acordo do Consello da Xunta de Galicia, do 29 de maio de 2020, polo que se aproba o Protocolo polo que se establecen as medidas preventivas en materia de saúde pública fronte ao COVID-19 para o desenvolvemento da xornada electoral do 12 de xullo de 2020.

O apartado 5 dese acordo recolle os mecanismos e garantías de adecuación de espazos, dispoñendo o seu punto segundo que “co fin de garantir a correcta preparación dos locais electorais, dotándoos das necesarias medidas de seguridade sanitaria conforme o previsto neste protocolo, a Administración autonómica proporcionará aos concellos o material necesario para a subministración de información e a sinalización.

Para tales efectos, as delegacións territoriais da Xunta de Galicia designarán 133 coordinadores/as encargados especificamente de colaborar na adopción das medidas preventivas establecidas neste protocolo dos locais electorais que se lles asignen, e que durante a xornada electoral farán roldas para colaboraren en tal adecuación en auxilio dos/as presidentes/as das mesas e nos momentos en que estes o soliciten ou autoricen.

Estes 133 coordinadores/as actuarán, no que ás medidas sanitarias se refire, baixo a dirección e supervisión técnica de sete técnicos responsables nomeados pola entidade colaboradora nas actividades preventivas designada pola Administración autonómica, e todos eles estarán sometidos á superior dirección da persoa titular da Subdirección Xeral de Coordinación de Servizos Transversais da Secretaría Xeral Técnica da Consellería de Presidencia, Administracións Públicas e Xustiza.

En ningún caso terán atribucións relativas ao desenvolvemento do proceso electoral, actuando neste contorno baixo a autorización ou solicitude dos/as presidentes/a das mesas electorais”

O acordo que se pretende asinar ten por obxecto establecer un marco de colaboración





entre a Vicepresidencia e Consellería de Presidencia, Administracións Públicas e Xustiza e a entidade colaboradora da Seguridade Social Ibermutua, para o asesoramento, dirección, supervisión técnica e a formación dos 133 Representantes da Administración aos efectos da coordinación e colaboración na adopción de medidas preventivas fronte ao COVID-19 (en diante coordinadores/as colaboradores/as) establecidas no Protocolo aprobado polo Consello da Xunta de Galicia o 29 de maio de 2020, nos locais electorais que se utilizarán o día 12 de xullo para a celebración das eleccións ao Parlamento de Galicia.

En virtude do citado acordo a Vicepresidencia e Consellería de Presidencia, Administracións Públicas e Xustiza comprométese á coordinación, a través da persoa titular da Subdirección Xeral de Coordinación de Servizos Transversais da Secretaría Xeral Técnica da Consellería de Presidencia, Administracións Públicas e Xustiza, dos sete técnicos designados por Ibermutua.

Pola súa banda, Ibermutua comprométese a deseñar e impartir unha acción formativa específica, dirixida aos/as 133 coordinadores/as colaboradores/as, en relación coas medidas preventivas en materia de saúde pública establecidas no Protocolo aprobado polo Consello da Xunta de Galicia o 29 de maio de 2020, nos locais electorais que se utilizarán o día 12 de xullo para a realización das votación para a elección do Parlamento de Galicia.

Así mesmo, dirixirá, asesorará e realizará a supervisión técnica dos/das 133 coordinadores/as colaboradores/as, sen prexuízo da coordinación da persoa titular da Subdirección Xeral de Coordinación de Servizos Transversais da Secretaría Xeral Técnica da Consellería de Presidencia, Administracións Públicas e Xustiza, para o cal Ibermutua designará a sete técnicos/as.

A formación realizaranse en diversas edicións os días 4 e 5 de xuño de 2020, e terán unha duración aproximada de 5 horas cada unha, e celebraranse nas cidades de A Coruña, Lugo Ourense, Pontevedra, Santiago de Compostela, Ferrol e Vigo.

Con base aos resultados das actuacións presentados polos 133 coordinadores/as colaboradores/as, Ibermutua emitirá un certificado final sobre a adecuación dos locais electorais ao establecido no Protocolo aprobado polo Consello da Xunta de Galicia o





XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓN PÚBLICA E XUSTIZA
Secretaría Xeral Técnica

galicia

29 de maio de 2020.

Non se establece, ao abeiro deste Acordo de colaboración, achega económica a favor de ningunha das partes asinantes.

Polo exposto, considérase xustificada a utilización do instrumento do convenio para articular as actuacións de referencia.

Santiago de Compostela, 3 de xuño de 2020

A secretaria xeral técnica

Beatriz Cuña Barja



[Handwritten signature in blue ink]



Xacobeo 2021

